

20. april 2016

**UKA 2016-imi Naalakkersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppernarsaat, nuna tamakkerlugu atuuttusaaq atorneqalersuuppat.**

(Inatsisartunut ilaasortaq Michael Rosing, Demokraatit)

Inatsisartunut ilaasortap Michael Rosingip Demokraatineersup aalajangiiffigisassatut siunnersuutaa soqutiginarqoq Siumumiit imaattumik oqaaseqarfigissavarput.

Siumumiit pingaartutut isumaqarfigaarput nunatsinni innuttaasut imaluunniit inuit nunatsinnut arlaatigut attuumassuteqarlutik inissisimasuusut pisortanit oqartussaasunillu eqaatsumik pitsaasumillu sullinneqarnerisa pitsanngorsartuarneqarnissaat, taamaattumillu siunnersuuteqartup siunnersuutaa inuiaqatigiinni pisortanit sullinneqarnerup iluani suli pitsanngorsaaneermik kinguneqarsinnaasutut isumaqarfigigatsigu matumani Siumumiit oqaatigissavarput.

Nuna tamakkerlugu kinaassutsimut uppernarsaammik (Nationalt id-kort)-imik nunatsinni atuutitsilersinnaaneq Siumumiit pitsaasusinnaanersoq ajoqutaasinnaanersorluunniit qulaajarumallugu siunniussaqaarneq isumaqataaffigaarput, nassuiaatimmi pitsaaqutaasinnaasut ajoqutaasinnaasullu ersersissinnaassagai Siumumiit upperilluinnaratsigu matumani oqaatigissavarput.

Ullumikkut amerlasuutigut naammattoortarparput innuttaasut pisortanit sullinneqassatillutik saaffiginninnerminni aporfippassuit aqquasaarsinnaasarmatigik, taassumallu ilaatigut kingunerisinnaasarlugu sullinneqarnerup sivilisuvallaammik naammaginangitsumillu ingerlasarneranik. Siumumiillu isumaqarpugut ajornartorsiut taanna ilorraap tungaanut saatinneqarsinnaasoq ilaatigut siunnersuutip massumap piviusunngortinneratigut.

Siumumiit siunnersuut ilaleratsigu oqaatigissavarput, taamaattorli suleriaqqinnermi nunat sanillersuuttakkatta nuna tamakkerlugu kinaassutsimut uppernarsaammik ingerlatsinerat qanoq misilittagaqarfigineqarnerasoq sukumiisumik paasiniagassanut ilaasariaqartoq Siumumiit piumasarissavarput.

Naggataatigullu siunnersuutip siorna ukiakkut Inatsisartuni suliaaqaartussaagaluarnera eqqarsaatigalugu nassuiaatip UPA 2017-imi Naalakkersuisunit agguanneqarnissaa Siumumiit tulluurtuunerusutut isumaqarfigaarput. Taamatuttaaq Naalakkersuisut allannguutissatut siunnersuutaat ataatsimiititaliami suleriaqqinnermi nalilersorluarneqarnissaa Siumumiit kissaatigaarput, uanilu siunnersuummi anguniarneqartut tassuunatigut anguneqarsinnaappata pitsaasutut aamma Siumumiit isumaqarfigalutigu.

Taamaalliluta siunnersuut Siumumiit isumaqataaffigalugu aappassaaneernejartinnagu ataatsimiititaliami susassaqaartumi suliarineqarnissaa inassutigaaarput.

Anders Olsen, Siumut